

Powšitkowne WOZJEWJENJA

njedźelu, 22. awgusta 2021

Wusyłanje Božeje mšě

Serbskorěčnu Božu mšu móža wěriwi tutu njedźelu, 22. awgusta, znowa jako live-stream w interneće scěhować. Wona přenjesje so w 9 hodž. z Chróšćanskeje cyrkweje. Link na nju je pod www.posol.de a na wosadneje stronje podaty.

Potrjechenym powodženja w zapadže pomhać

Za wopory powodženja w zapadneje Němskej hromadzi Towarstwo Cyrila a Metoda z.t. (TCM) ze swojej akciju „Łužica pomha“ dary za potrjechenych wosady we Weilerswisće juhozapadnje Kölna. Tam bydlaca młoda serbska swójba je zwisk sposrědkowała. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswisst“ přepokazać. Štóz swoju dospołnu adresu poda, tomu wustaji TCM darowanisku kwitowanku. Ta so z přepokazanjom awtomatisce sobu njesposrědkuje.

Boža mša w Krupce

Putniska Boža mša w Krupce budže srjedu, 25. awgusta, w 10 hodž. Po tym wudžěli nowoměšnik na městnje, kapłan Kristofer Kanzen, primicne požohnowanje. Na kemšach ma so nahubnik wužiwać.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 14. septembra, w 14 hodž. do Smochčanskeho kubłanišća swjateho Bena přeprošeni. Zajimcy njech so prošu hač do wutory, 7. septembra, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho domu dodžeržeć. Štóz chce wotewzaty być, njech to prošu zdžěli. Wobkedźbować ma so tohorunja, zo je kubłanišćo swoje plaćizny podróšilo.

Pytaja domownika

Dom swjateje Ludmile w Chróšćicach poskića wobmjezowane džělowe městno domownika. Wone móže so hnydom wobsadzić. Džěło plaći so po tarifowych rjadowanjach Carity. Požadanja přijimuju z poštu abo z mejlku na heimleiter@st-ludmila.de. Nadrobniše informacije poda nawodnica Mónica Wenclowa, telefonowe čisło (03 57 96) 94 73 30.

Z kolesom putnikować

Na tydženske putnikowanje z kolesom přeprošuje Smochčanske kubłanišćo swjateho Bena składnostnje 100. róčnicy znowazaloženja Drježdžansko-Mišnjanskeho biskopstwa. Wone wotměje so wot njedžele do njedžele, 5. do 12. septembra. Přizjewjenja přijimuju telefonisce pod čisłom (03 59 35) 2 21 72 abo z mejlku na Umwelt@kebs.de. Link k stronamaj z nadrobnyimi informacijemi kaž tež za přizjewjenje je pod www.posol.de wozjewjeny.

Wulět młodostnych do Sakskeje Šwicy

Dekanatne dušepastyrstwo młodžiny přeprašuje młodostnych ze wšěch serbskich wosadow wot přichodneho 9. lětnika na zhromadny wulět do Sakskeje Šwicy, a to njedźelu, 19. septembra. Wotjězd budže něhdže w 12 hodž., nawrót je w 20 hodž. planowany. Přinošk we wysokosci 20 eurow wopřija jězbu z busom, jědž a jězbu z čołmom. Přizjewjenja přijimuju so hač do pónđzele, 30. awgusta, online. Wotpowědny link k tomu je pod www.posol.de podaty. Dokładny plan wotjězda busa so po 30. awgusće přizjewjenym wosobinsce zdžěli.

Poskitk rěčnych kursow serbšćiny

Rěčny centrum WITAJ (RCW) poskića wot septembra cyłkownje 17 rěčnych kursow serbšćiny za dorosćenych na třoch rěčnych schodženkach, mjez druhim w Pančicach-Kukowje a Radworju. Zdobom poskićuju onlinowe kursy za zajimcow zwonka Łužicy. Nadrobne informacije namakaja zajimcy na internetowej stronje RCW pod www.witaj-sprachzentrum.de. Přizjewjenja přijimuju z mejlku na sekretariat@witaj.domowina.de abo telefonisce pod (0 35 91) 55 04 00.

Wustajeńca wo smjertnych rubach Chrystusowych

Kulowska wosada přeprašuje na wustajeńcu wo smjertnych rubach Chrystusowych. Ta je hač do pónđzele, 30. awgusta, w Kulowskej Křižnej cyrkwi na Budyskej 32 přistupna. Wtewrjena je wona stajnje njedźelu wot 11.00 do 12.00 hodž a popođnju wot 15.00 do 18.00 hodž. Chce-li sej ju něchtó w běhu tydženja wobhladać, měł so wón w Kulowje na farje přizjewić, telefonowe čisło (03 57 25) 75 80. Wustajeńcu je towarstwo PENUEL zestajało. Wone rozumi so jako kruh přečelow wěrneho wobliča Jězu Chrysta. Wone přeslědžuje historiske smjertne ruby a prócuje so wo to, je zjawnosći spřistupnić. Čłonojo tohole towarstwa z wjacorych europskich krajow zetkaja so wot pjatka do njedźele, 13. do 15. awgusta, w Kulowje k swojemu lětnemu schadžowanju. Kolpingowa swójba a druge skupiny wustajeńcu přewodžeja a podpěruja.

Mužojo a žony w bibliji

Seminar wo zhladowanju na muži a žony w Swjatym pismje wotměje so wot pjatka do njedźele, 10. do 12. septembra, w Smochčanskim kubłanišću swjateho Bena. Nawoda budže tamniši referent Ansgar Hoffmann, kotryž je zdobom nawoda Katolskeho bibliskeho skutka w Drježdžansko-Mišnjanskim biskopstwje. W seminarje chcedža so z tym zaběrać, kotry wobraz wo mužach a žonach biblija woprawdže skići. Předznajomosće njejsu trěbne. Zajimcy měli so pak pod telefonowym čislom (03 59 35) 2 23 17 abo z mailku pod adresu ansgar.hoffmann@bg-schmochtitz.de. přizjewić.

Z kreatiwnosću a spiritualitu sebje spóznać

Pod hesłom „Truny žiwjenja“ přeprašuje Smochčanske kubłanišće swjateho Bena na seminar, při kotrymž móžeš „nutřkowe swěty“ spóznać, kotrež ze swójskej kreatiwnosću, molowanjom wobrazow a symbolow zwurazniš. Zaměr je, zo móža ci, kotřiž so na seminarje wot pjatka do njedźele, 17. do 19. septembra, wobdžěla, swójske resursy wotkryć a zmysł swójskeho puća nadeńć. Dny nawjedujetaj eksercicijowy přewodžer farar dr. Hans-Konrad Harmansa a duchowna přewodžerka Maren-Magdalena Sorger. Zajimcy měli so pod telefonowym čislom (03 59 35) 2 23 17 abo z mailku pod adresu ansgar.hoffmann@bg-schmochtitz.de. přizjewić.